

卷十

書名 藝文類聚一百卷 嘉靖中天水胡纘宗刊本
 撰者 唐 歐陽詢 撰
 卷 卷十
 內容分類 子-類書 彙考 唐五代
 索書號 子部 類書 2
 編號 C5912500

彩色首頁1

藝文類聚卷第一

唐太子率更令弘文館學士歐陽詢撰

天部上 天 日月星雲風


天

曰大哉乾元萬物資始乃統天雲行雨施品物流形大明終始六位
 時乘六龍以御天乾道變化各正性命 又曰立天之道曰陰與陽
 大行健 尚書曰乃命羲和欽若昊天 又曰皇天震怒命我文考
 大威 禮記曰天地之道博也厚也高也明也悠也久也日月星辰
 覆焉 論語曰天何言哉四時行焉百物生焉 老子曰天得
 春秋繁露曰天有十端天地陰陽水土金木火人凡十端天亦
 氣哀樂之心與人相副以類合之天人一也 爾雅曰穹蒼蒼天
 蒼天夏為昊天秋為旻天冬為上天 春秋元命苞曰天不足西
 於九故天周九九八十一萬里 渾天儀曰天如雞子天大地小
 有水地各乘氣而立載水而浮天轉如車轂之運 黃帝素問曰



東方文化學院東京研究所

No. 41





藝文類聚卷第十

符命部

渤海歐陽

詢

撰

符命



春秋潛潭巴曰里社鳴此里有聖人其响則百姓歸之社里之君也鳴則

之响鳴春秋合誠圖曰堯母慶都出觀三河奄然陰風赤龍與慶都合生

堯之怒也河圖曰湯母扶都見白氣貫月意感而生湯春秋元命苞曰勝紂

之時五星聚於房房者蒼神之精周據而興周起於房而五星尚書中候

曰季秋赤雀銜丹書入艷止于昌戶昌拜稽首受最最要曰姬昌蒼帝子

又曰呂尚釣磻谿得玉璜刻曰姬受命呂佐旌旌理呂氏春秋曰周文王

時見犬赤鳥銜書集于周社文王曰火氣勝故其色上赤尚書中候曰

武王發渡于孟津中流白魚躍入王船王俯取魚長三尺有文王字史

記曰帝嚳少死有娥氏女簡狄以春分玄鳥至之日祀于高禘有玄鳥遺

其卵簡狄吞之孕生契為殷始祖又曰帝高陽氏元妃姜嫄見大人之

跡履之欣然若感而生育稷棄之寒冰之上鳥翼履之又棄之隘巷羊牛

乳之又棄之平林之上人收養之為周始祖 又曰高祖母媪嘗息大澤之陂夢與神遇時雷電晦冥父太公往視見交龍於上已而有娠遂生高祖 又曰高祖被酒夜經鄠西澤中令一人行前行前者還報曰前有大蛇當徑高祖乃前拔劍斬蛇蛇分為兩道開後人來至蛇所有一老嫗夜哭問之嫗曰吾子白帝子化為蛇當道今為赤帝子斬之因忽不見 漢書曰高祖元年冬十月五星聚于東井從歲星也東井素分野漢以又曰義取天下之應也又曰孝昭帝時太山萊蕪山南洶洶有數千人聲民視之有大石自立高丈五尺大三十八圍入地深八尺三石為足石立後有白鳥數千集其旁宣帝中興之瑞也 又曰昭帝時上林柳樹斷卧地一朝起立生枝葉有虫食其葉成文字曰公孫病已立 又曰昌邑王問社有枯樹復生枝葉畦孟以為木下民象當有廢改之象公孫氏從民間受命為天子者後宣帝立帝本名病已 隋巢子曰昔三苗大亂天命夏屬於玄宮有大神人面鳥身降而福之司祿益富而國家實司命益年而民不夭四方歸之屬乃克三苗而神民不違 **墨**子曰夏桀時天乃命湯於驪宮有神來告曰夏德

大亂往攻之予必使汝大戡之 又商王紂時周武王見三神曰予既沈瀆躬紂于酒德矣汝往攻之予必使汝大戡之 東觀漢記曰光武帝夜生時有赤光室中蓋明皇考異之使卜者王長卜之長曰此善事不可言是歲有嘉禾生一莖九穗長大於凡禾縣界大豐熟因名上曰秀 又曰光武從邯鄲避王郎兵至呼沱河導吏還言河水流澌無船不可濟左右皆惶畏為王郎所及上命王霸前往視之實然霸念還言驚眾雖不可渡且臨水正尚可為阻即白曰水堅可渡士眾大喜上大笑曰果妄言也叱至河流澌冰合可履彊以囊盛沙布冰上乃渡渡未畢數車而冰陷也 琴操曰魯哀公十四年西狩薪者獲麟擊之傷其左足將以示孔子孔子道與相逢見俛而泣抱麟曰爾孰為來哉孰為來哉反袂拭面仰視其人龍顏日角夫子奉麟之口須臾吐三卷圖一為赤伏劉季興為王二為周滅夫子將終三為漢制造作者經夫子還謂子夏曰新主將起其人如得麟者 帝王世紀曰燧人之世有大迹出雷澤華胥履之生庖犧氏於成紀也 又曰神龍感女登於常年生炎帝 又曰電光繞北斗樞星照郊

野感附寶孕二十月生黃帝於壽丘 又曰黃帝時有大星如虹下流華
渚女節夢接之意感生少昊 又曰陶唐之世握登見大虹意感生舜於
姚墟 又曰脩己山行見流星貫昂意感慄然又吞神珠薏苡曾坼而生
禹 又曰漢昭靈后名含始遊浴池有玉雞銜赤珠出刻曰玉英吞此者
王含始吞之生高祖 魏氏春秋曰明帝青龍三年張掖郡刪丹縣金山
玄川溢涌寶石負圖狀象靈龜立千川西有石馬七其一仙人騎之其一
羈絆之其五有形而不善成有玉匣開蓋於前上有玉字玉玦二玉璜一
又有麒麟在東鳳皇在南白虎在西犧牛在北馬自中布列南方有字曰
大紂曹金但取之此司馬氏革運之徵 魏志曰桓帝時有黃星見於楚
宋之分遼東殷植善天文言後五十歲當有真人起於梁沛之間其鋒不
可當至是凡五十年而太祖破袁紹天下莫敵矣 吳錄曰孫堅墓上數
有光如雲氣五色上屬天下蔓延數里父老相謂曰此非凡氣孫氏其興
乎 吳書曰孫堅母懷妊夢腸繞吳昌門孫策母懷策夢月入懷懷孫權
夢日入懷 晉中興書中宗元皇帝初誕有神光之異一室盡明所藉蓋

如始川 豫章記曰松陽門內有大梓樹大四十五圍舉樹盡枯死永嘉
中一旦忽更榮茂太興中元皇帝果繼大業 庾仲初楊都賦所云瘞木
蒼于豫章 郭璞南郊賦云弊梓擢秀于祖邑也宣帝祖為豫章太守故
云祖邑也 臧榮緒晉書曰王廙為鄱陽太守有枯樟樹更生王敦表勸
進中宗曰皓獸應瑞而來臻樟樹久枯而更榮 孫盛晉陽秋曰秦始皇
時望氣者言五百年後金陵之地有天子氣於是改金陵曰秣陵漸北山
以絕其勢矣 東遊以厭之後五百二十六年而中宗即位於江南 又
曰太安中歲鎮辰太白四星聚於牛女之間後中宗即位於揚州也 武
昌記曰孫權獵於樊山見一姥問獵何得荅曰止得一豹姥曰何不堅其
尾忽然不見因為立樊燒廟 徐爰宋書曰武帝夜生有神光之異室內
盡明是夕甘露降于墓樹 又高祖舉目瞻睇常見二龍在焉始尚微小
及貴龍形漸長光色轉明左右侍者亦數見徵異 宋書曰高祖既登祚
謂羣臣曰朕始望不至此衆人咸撰辭欲盛稱功德王弘率爾對曰所謂
天命求之不可得推之不可去衆皆以為知言 漢司馬相如封禪文

曰伊上古之初肇自昊穹之生民歷選列辟以迄于秦率邇者踵武述一者風聲紛綸蕪蕪湮滅而不稱者不可勝數也繼昭夏崇號謚略可道者七十有二君書曰元首明哉股肱良哉因斯以談君莫盛於唐堯臣莫賢於后稷后稷創業於唐堯公劉發跡於西戎文王改制大行越成故軌跡夷易易遵也湛恩龐鴻易豐也憲度著明易則也垂統理順易繼也是以業隆於樞祿而崇冠于二后未有殊尤絕跡可考於今者也然猶躡梁父登泰山建顯號施尊名大漢之德邁音涌源泉沕瀾曼美旁魄四塞雲布霧散上暢九垓下泝八埏昆蟲閭澤廻首百內然後囿騶虞之珍羣微麇鹿之怪獸導一莖六穗於庖犧雙脩共舡之獸招翠黃乘龍於沼欽哉符瑞臻茲猶以爲德薄不敢道封禪蓋周躍魚隕航休之以燎此之爲符也以登介丘不亦慙乎進讓之道何其爽與於是大司馬進曰陛下仁育羣生義征不諛德侔往初功無與二意者泰山梁父設壇場望幸蓋上帝垂恩儲社將以慶成陛下謙讓而弗發也契三神之勳缺王道之儀羣臣而焉夫脩德以錫符奉符以行事不爲進越也故聖王不替而脩禮地祇謁

款天神勒功中嶽以章至尊皇皇哉斯事天下之壯觀王者之不業不可貶也願陛下全之俾萬世得激清流揚微波飛英聲騰茂實前聖之所以永保鴻名而常爲稱首者用此宜命掌故悉奏其儀而覽焉於是天子沛然改容曰俞乎朕其試哉乃遷思迴慮摠公卿之儀詢封禪之事詩大澤之博演符瑞之富遂作頌曰自我天覆雲之油油甘露時雨厥壤可遊滋液滌漉何生不育嘉穀六穗我稽曷嘗匪唯雨之又潤澤之匪唯徧之我汜布護之名山顯位望君之來君乎君乎侯不邁哉般般之獸樂我君園白質黑章其儀可嘉收收穆穆君子之態蓋聞其聲今親其來厥途靡從天瑞之徵茲爾於舜虞氏以興濯濯之麟遊彼靈時孟冬十月君徂郊祀馳我君輿帝以享社宛宛黃龍興德而升正陽顯見覺悟黎蒸於傳載之云受命所乘依類託寓喻以封巒披藝觀之天人之際已交上下相發允答聖王之德競競翼翼故曰於興必慮衰安必思危是以湯武至尊嚴不失肅祗舜在假典顧省闕遺此之謂也頌魏傳遐皇初頌云尋盛德以降應著顯符于方臻積嘉祚以待期儲鴻施於真人昔九代之革命咸受

天之休祥匪至德其焉昭匪至仁其焉章懿大魏之聖后固上天之所興
應靈運以承統排閭闔以龍升據皇象以闡化順帝則以播音遵陽春以
行施揆四時以立信運聰明以舉善宣柔惠以養人於赫我后邁德如神
化不暮月令不浹辰於是天地休豫靈祇歡欣嘉瑞雲集四靈允臻甘露
膏零於宮庭醴泉冬涌於中原白雉素鳥丹芝朱魚鱗集羣萃不可勝書
信應天之美瑞受命之靈符也然後覽公卿之讜議詢百僚之典謨天子
乃登彫輦戴羽蓋佩玉鏘鏘鑿聲噦噦拜上皇告受位兆休祚導神氣於
是建皇初之上元發曠盪之明詔菁災肆赦盪滌瑕穢崇設九賓溥延公
卿嘉羞千品俎豆充庭金石具懸鐘鼓畢作歌九功舞八佾鴻澤普皇恩
洽民欲得神望塞叙後漢傅幹王命叙曰昔在唐虞之禪列于帝典殷
周之代叙于詩書天之歷數昭焉著明周篤后稷公劉積德行仁至乎文
武遂成王業雖五德殊運或禪或征其變化應天與時消息其道一也故
雖有威力非天命不授雖有運命非功烈不章自我高祖襲唐之統受
命龍興討秦滅項光有萬國世祖攘亂奄復帝宇人鬼協謀徼祥煥然皆

順乎天而應乎人也然則帝王之起必有天命瑞應自然之符明統顯祚
豐懿之業加以茂德成功賢智之助而後君臨兆民為神明所保佑永世
所尊崇未見運敘無紀次勳澤不加於民而可力爭覬覦神器者也豪桀
見二祖無尺地之階為專智力乘釁而起不知天祚聖哲帝王自有真也
哀哉非徒閭於將來又不考之於既往矣自開闢已來姦雄妄動不識天
命勇如蚩尤強如共工威如夷羿然皆從分橫裂為天下戒又況淺智小
才勇不足畏強不足憚未有成資而敢失順視不軌之事也哉夫行潦之
流不致江海之深丘垤之資不成太山之高魚鱉之類不希雲龍之軌一
官之守不經天人之變當王莽之末英雄四起而鄧禹耿弇識世祖之福
祚羸糧間行進其策謀遂荷肯附之任享佐命之寵張玄慕蘇秦蒯通之
業周旋囂述西說竇融言未及終而梁統已誅之矣禹弁見命祚之兆其
福如彼張玄蔽逆順之理其禍如此審斯二事趣舍之分明矣且世祖之
興有四一曰帝皇之正統二曰形相多異表三曰體文而知武四曰履信
而好士加之以聰明獨斷達於事機發策如神應視遠如見近偏旅首進

推莽軍百萬之衆單師獨征平河北萬里之功識鄧隆之將敗知劉興之必死然猶乾乾日具博采訓咨拔吳漢於小尹擢馬武於行伍寵功臣以兼國之爵顯卓茂以非次之位言語政事文學之士咸盡其材致之宰相權勇畢力於征伐搢紳悉心於左右此其所以成大業也高祖方娠有雲龍之表其始入秦五星同軌以旅于東并在天之符也世祖之徵符其詳可聞也其初育則靈光鑒于室隕嘉禾滋于邑壤其望舊廬有火光之異其渡呼池有河合之應西門君惠光識其諱強華獻符千里同驗劉歆改名而隕其身王長錯卦而見吉兆故王遵謂之天授非人力也覽廢興之運會觀徵瑞之攸祚審天應之萌兆察人物之所附念功成而道退無非次而妄據後之人誠能昭然遠覽曠然深悟收莽述之闇惑忠鄧耿之弘慮好謀而要成臨事而知懼距張玄之邪說思在三之明數則福祿衍於無窮亦世不失其通路矣

漢楊雄劇秦美新曰上罔顯於義皇中莫盛於唐虞邇靡者於成周仲尼不遭用春秋因斯發言神明所祚兆民所託罔不云道德仁義禮智獨秦崛起西戎因襄文宣靈之僭跡基孝公茂

惠文奮昭莊至政破從擅衛并吞六國遂稱平皇帝盛從鞅儀韋斯之邪政馳馮起翦恬賁之用兵刻滅古文刮語燒書弛禮崩樂塗民耳目遂流唐漂虞滌躬蕩周難除仲尼之篇籍自勒功業改制度軌量咸稽之於秦紀是以耆儒頌老抱其書而永遜禮官博士卷其舌而不談二世而亡何其劇歟帝王之道競競乎不可離已夫能貞而明之者窮祥瑞回而昧之者極妖愆故若古者稱堯舜威侮者陷桀紂况盡汎掃前聖數千載功業專用已之私而能享祐者哉會漢祖龍騰豐沛奮迅宛葉自武關與項戮力咸陽創業蜀漢發跡三秦克項山東而帝天下擽秦政慘酷尤煩者應時蠲始儒林刑辟歷紀圖典之用稍增焉秦餘制度項氏爵號雖違古而猶襲之是以帝典闕而不補王綱弛而未張逮至大新受命上帝還資后土顧懷玄符靈契雲動風偃震聲日景炎光飛響盈塞天泉之間乃奉若天命窮寵極崇與天剖神符地合靈契創億兆規萬世卓哉煌煌真天子之表也若夫白鳩丹鳥素魚斷地方斯蔑矣是以發秘府覽書林遙集乎文雅之囿翔翔乎禮樂之場胤彤周之夫業紹唐虞之絕風懿律嘉量金

科玉條煥爛照耀靡不宣臻振驚之聲充庭鴻鸞之黨漸階俾前聖之緒
布濩流行而不韞積郁郁乎煥哉天人之事盛矣鬼神之望允塞紹少典
之苗著黃虞之裔帝典闕者已補王綱弛者既張炳炳煒煒豈不懿哉而
述前典巡四民迄四岳增封太山廣禪梁甫斯受命者之典業也崇嶽滄
海通瀆之神咸設壇場望受命之臻焉海外遐方信延頸企踵回面內嚮
喁喁如也帝者雖勤讓惡可以已乎宜命賢哲作典引一篇以示來人摛
之罔極令萬世常戴巍巍覆粟粟嗅馨香含甘實鏡純粹之至精聆清和
哉論後漢班彪王命論曰昔在帝堯之禪曰咨爾舜舜天之歷數在爾躬
舜亦以命禹暨于稷契咸佐唐虞光濟四海弈世載德至于湯武而有天
下雖其遭遇異時禪代不同至于應天順民其揆一焉是故劉氏承堯之
祚氏族之世著于春秋唐據火德而紹之始起沛澤則神毋夜號以彰赤
帝之符由是言之帝王之祚必有明聖顯懿之德豐功厚利積累之業然
後精誠通於神明流澤加於生民故能爲鬼神所福嚮天下所歸徃未見

運世無本功德不紀而得位四起在此位者也世俗見高祖興於布衣不達
其故以爲適遭暴亂得奮言六劍遊說之士至比天下於逐鹿幸捷而得之
不知神器有命不可以智力以求悲夫此世之所以多亂臣賊子者也若然
者豈徒闇於天道哉又不睹之於人事矣夫餓饉流隸饑寒道路思有短
褐之襲擔石之蓄所願不過一金終於轉運溝壑何則貧窮亦有命也况
乎天子之貴四海之富神明之祚可得而妄處哉故雖遭罹厄會竊其權
柄勇如信布強如梁籍成如王莽然卒潤鑊伏鑕烹醢分裂又况么麼不
及數子而欲闇于天位者乎是故駑蹇之乘不騁千里之塗鸞雀之儔不
奮六翮之用桑椹之材不荷棟梁之任斗筭之子不執帝王之重易曰鼎
折足覆公餗不勝其任也當秦之末豪傑並起共推陳嬰而王之嬰母止
之曰自吾爲子家婦而世貧賤今卒富貴不祥不如以兵屬人事成少受
其利不成禍有所歸嬰從其言而陳氏以寧王陵爲漢將而母獲於楚有
漢使來陵母見之謂曰願告吾子漢王長者必得天下子謹事之無有二
心遂對漢使伏劍而死以固勉之夫以足婦之明猶能推事理之致探禍

福之幾而況大丈夫之事乎是故窮達有命吉凶由人嬰母知廢陵母知
興此二者帝王之分決矣蓋在高祖其興也有五一曰帝堯之苗裔二曰
體貌多奇異三曰神武有徵應四曰寬明而仁慈五曰知人善任使加之
以信誠好謀達於聽受見善如不及用人如用已從諫如順流越時如舉
起當食吐哺納子房之策拔足揮洗揖酈生之說悟成卒之言斷懷土之
情高四皓之名割肌膚之愛舉韓信於行陣收陳平於亡命英雄陳力羣
策畢舉此高祖之大畧所以成帝業也若乃靈瑞符應又可畧聞矣是以
王武感物而折契呂公覩形而進女秦皇東遊以厭其氣呂后望雲而知
所處始受命則白蛇分西入關則五星聚故淮陰留侯謂之天授非人力
也歷古今之得失驗行事之成敗取舍不戢斯位符瑞不周斯度而苟昧
權利越次妄據外不量力內不知命則必喪保家之主歿天年之壽遇折
足之凶伏斧鉞之誅英雄誠知覺寤收陵嬰之明分絕信布之覬覦拒逐
鹿之瞽說審神器之有授貪不可冀無爲二母之所笑則福祚流于子孫
天祿其永終矣

典引

後漢班固典引曰陶唐舍胤而禪有虞亦命夏后

稷契熙載越成湯武股肱既周天乃歸功元首將授漢劉俾其承三季之
荒末值亢龍之災孽懸象閭而恒文垂彝倫敦而舊章缺高光二聖辰居
其域赫赫聖漢魏魏唐基沂測其源乃先孕虞育夏甄殷陶周然後宜二
祖之重光襲四宗之緝熙神靈日照光被六幽仁風翔于海表威靈行乎
鬼區盛哉皇家帝世德臣列辟功君百王榮鏡宇宙煥揚寓內是以來儀
集羽族於觀魏肉角馴毛宗於外圍擾緇文皓質於郊升黃輝采鱗於沼
甘露宵零於豐草三足騫翥於茂樹若乃嘉穀靈草奇獸神禽應圖合謀
窮祥極瑞者朝夕垆牧日月邦畿卓犖方州美溢乎要荒昔周姬有素雉
朱鳥玄柜黃鰲莫侯之事耳君臣動色左右相趨濟濟翼翼峨峨如也啓恭
館之金滕御東序之秘寶是時聖上固已垂精游神苞舉藝文屢訪羣儒
俞咨故老與之斟酌道德之淵源鑄夏仁義之林藪以望元符之臻焉將
紘萬嗣揚洪暉奮景炎扇遺風播芳烈久而逾新用而不竭汪汪乎丕天
之大律其疇能亘之哉唐哉皇哉皇哉唐哉

論

魏陳王曹植魏德論曰

元氣否塞玄黃憤薄星辰亂逆陰陽舛錯四海鼎沸蕭條沙漠武皇之興

也。以道凌殘，義氣風發，神戈退指，則妖氛順制，靈弧雲舉，則朝揚播越。唯我聖后神武，蓋天威光佐，掃辰彗北，鸞首尾爭擊，氣齊率然，乃電北席卷千里，隱乎若崩，獄盱平若潰，海愠彼蠻，夏蠢爾弗恭，脂我蕭斧，簡武鍊鋒，星陳而天運振耀，平南封荆人，風靡交益，影從軍，蘊餘勢，襲利乘權，蕩鬼區於白水，擒矯制乎遐川，仰屬目于條支，晞弱水之潺湲，薄張騫於大夏，笑驃騎於祁連，其化之也如神，其養之也如春，柔遠能邇，誰敢不賓，憲度增飾，日耀月光，跡存平，建安道隆，平延康，於是漢氏歸義，顧音孔昭，顯禪天位，希唐放堯，上猶謙謙，弗納也，發不世之明詔，薄皇居而弗恭，蹈比人之清節，美石戶之高介，義貫金石，神明以興，神祇致祥，乾靈效祐，於是羣公卿士，功臣列辟，率爾而進，曰：昔文王三分，居二以服事，殷非能之而弗欲，蓋欲之而弗能，况天網不禁，皇綱圯紐，侯民非復漢萌，尺土非復漢有，故武皇創跡於前，陛下光美於後，蓋所謂勳成於彼，位定於此者也。將使斯民播秬鬯，殖靈芝，鋤六穰，挹醴滋，遂乃凱風迴迴，甘露匝時，農夫詠於田，壠織婦吟而綜絲，黃吻之齒含哺而怡，鮎背之老擊壤而嬉，古雖稱乎

赫胥曷若斯之大治乎？于時上宣於春秋聖德，汪濊奇志，妙思神鑒，靈察方將審御陰陽，增耀日月，極禎祥於遐奧，飛仁風以樹惠，旣遊精萬機，探幽洞深道，遙六藝兼覽，儒林抗思，平文藻之場，園容與乎道術之彊，畔超天路而高峙，階清雲以妙觀，將參跡於三皇，豈徒論功於大漢，天地位矣，九域清矣，皇化四達，帝猷成矣，明哉元首，股肱貞矣，禮樂旣作，興頌聲矣，固將封泰山，禪梁甫，歷名川以祈福，周五方之靈，宇越八九於往，素踵帝皇之靈，矩流餘祚於黎蒸，鍾元吉乎聖主。隋李德林天命論曰：有娥玄鳥，商以興焉，姜嫄巨跡，周以肆焉，邑姜夢帝，隋以興焉，古今三代，靈命如一天下之重，不可妄據，軒初四帝，周餘六王，藉勢因基，自取而不得也。孟軻稱仲尼之德過於堯舜，著述成帝者之事，弟子備王佐之才，墨不代蒼泣，麟歎鳳栖，栖汲汲雖聖達而莫許也，蚩尤則黃神抗衡，共工則黑帝就敵，項羽誅秦，摧漢宰神州，角逐爭驅，盡威力而無就也，其餘欵起，媛妾何足數者，若使四凶執八元之誠，三監懷九臣之志，韓信彭越深明，帝子之符，孫述隗囂妙識，真人之出，尉迥同誣，歌之類王謙比獄，訟之民福，禪

聯胡可窮也而違天道獲罪人神嗚呼此前事之大戒矣誅夷烹醢歷代共尤僭逆凶邪時煩獄吏其不戒慎何哉蓋積惡既成心自絕於善道物類相感理必至於誅戮天奪其魄鬼惡其盈故也大帝聰明羣臣正直耳目監於率土賞罰參於國朝輔助一人覆育兆庶豈有食人之祿受人之榮苞藏禍心不殲盡者也必當執法未處其罪司命已除其藉自古明哲慮遠防微位尊而心愈下祿厚而志彌約納寵思之以懼道高守之以恭克念於此則奸回不至謙光滿復義在知幾吉凶由人姦不自作夙沙則主雖愚蔽民盡知歸有苗則始為跋扈終而大服漢南諸國見一苗以從殷河西將軍率五郡而臣漢故能招信順之助保太山之安也魏邠鄆淳上受命述曰伊上天闡載自民主肇建歷聽風聲陶唐為盛虞夏受終殷周革命有禪而帝有代而王禪代雖殊大小繇同於是以漢歷在魏赤運歸黃也是故大魏之業皇耀震霆肅清宇內萬邦有截斷義翼漢奉禮不越飭躬戮力茂亮弘烈樹深根以厚基播醇澤以釀味含光而弗摧戢翼而弗發將俟聖嗣是遂是遠聖嗣承統爰宣重光陳錫裕下民悅

無疆三神宣釐四靈順方元龜介玉應龍粹黃若云魏德據茲以昌爾乃鳴玉陟壇三播以俟既受休命龍旋鳳峙煌煌厥暉穆穆容止臨下有赫允也天子既踐帝位納璽要紱太常司燎升炮告類珪璋峨髦上棗棗踳踳聖躬御策以莅巍巍乎崇功顯顯乎德容信帝者之壯業天休之所鍾也于時天地咸和日月光精氛祲不作風塵弭清凡在壇場之位舉目平廣庭莫不君臣和德咸玉色而金聲屢省萬機訪謀老成治詠儒墨納策公卿昧旦孜孜夕惕乾乾務在諧萬國敘彛倫而折不若懷遠人混六合之風納于仁壽之門刑錯靡試偃伯靡軍然後乃勒功岱嶽升中上玄斯因我皇之大摹思心之所存也表魏邠鄆淳上受命述表曰臣聞雅頌作於盛德典謨興於茂功德盛功茂傳序弗忘是故竹帛以載之金石以聲之垂諸來世萬載彌光陛下以聖德應期龍飛在位其有天下也恭已以受天子之籍無為而四海順風若乃天地顯應休徵祥瑞以表聖德者不可勝載鑠平煥顯真神明之所以祚命世之令主也凡自能言之類莫不謳歎於野執筆之徒咸竭文思獻詩上頌臣抱疾伏蓐作書一篇欲

謂之頌則不能雍容盛懿列伸玄妙欲謂之賦又不能敷演洪烈光揚緝熙故思竭愚稱受命述

藝文類聚卷第十

藝文類聚卷第十一

帝王部一 物載帝王 天皇氏 地皇氏 人皇氏 有巢氏

燧人氏 太昊庖犧氏 帝女媧氏 炎帝神農氏

黃帝軒轅氏 少昊金天氏 顓頊高陽氏

帝嚳高辛氏 帝堯陶唐氏 帝舜有虞氏

帝禹夏后氏

物載帝王

尚書刑德攷曰帝者天號也王者人稱也天有五帝以立名人有三王以正度天子爵稱也皇者煌煌也 春秋演孔圖曰正氣為帝間氣為臣秀氣為人 禮斗威儀曰帝者得其根核王者得其英華霸者得其附枝故帝道不行不能王王道不行不能霸霸道不行不能守其身 管子曰明一者皇察道者帝通德者王謀得兵勝者霸 呂氏春秋曰始生之者天也養成之者人也能養天之所生而為天子 春秋考耀文曰王者往也神所輪向人所樂歸 春秋繁露曰德俟天地者稱皇帝天祐而子之號